



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 71. Eorumdem Principum opiniones Cæsari exhibitæ.

[urn:nbn:de:hbz:466:1-67344](https://nbn-resolving.org/urn:nbn:de:hbz:466:1-67344)

Sæc. XVII.
A. C. 1623.

§. LXXI.

Eorundem Principum opiniones Cæsari exhibitæ.

Præceperat Cæsar, ut Principum singuli suas sententias scriptotenus traderent, hacque ratione unicuique mentem suam aperiendi amplior esset libertas. Ceteris igitur primi Principes Catholici exponebant, ad Germaniæ salutem & tranquillitatem omnino necessarium esse, ut Cæsaris, vicinorumque Principum armis Mansfeldius ex universo Imperio protruderetur, interminatis severissimis pœnis contra omnes Imperii Principes, Ordines, & Tribunos, & milites, qui eum vel auxilio, vel militari obsequio adjuverent: exactiones vero pro tuendis Hungariæ Urbibus ad proxima comitia esse differendas, Hollandos autem Lippstadio, & Westphalia ope Principum propulsandos, & Pfaffenmutzium Regis Catholici, & Belgii Gubernatricis jussu solo æquandum esse, Palatinum denique non quidem Electorali dignitati, ditioni tamen suæ facta deprecatione & obsequii pollicitatione reddi posse, a Cæsare autem locum esse designandum pro conventu, in quo in Agnatorum favorem hoc negotium amica

Priorat. hist. Ferd. II. part. I. l. 2. Pufend. l. I. §. 40. Londorp. acta publica lib. 6.

Rr 5

trans-

Sæc. XVII. transactione componi posset: demum
A. C. 1623. Electoratus translationem a Cæsare ita
 esse moderandam, ne Palatini affini-
 bus damnum caussasse videatur. Die
 autem vigesima prima Februarii Saxo-
 niæ & Brandenburgi Electorum Orato-
 res Mansfeldii & Hollandorum violen-
 tias quidem detestabantur, ad reddend-
 am tamen pacem præsentissimum re-
 medium esse dicebant, si omissa Ele-
 ctoratus translatione, Palatinus suæ
 dignitati redderetur, & omnes Cæsari
 rebelles subditi concessa præteritorum
 oblivione in gratiam reciperentur, ac
 denique Religionis Lutheranzæ refor-
 matione abolita, civitates Imperiales
 militum stationibus, aliisque exactio-
 nibus liberarentur, suisque privilegiis
 frui permetterentur: de cetero autem
 nullus Imperii Princeps absque Ele-
 ctorum consensu proscribi valeret, hanc-
 que fundamentalem Imperii legem Cæ-
 sar in dubium haud vocaturus esset;
 postremo autem, se in ceteris senten-
 tiæ Catholicorum accedere declara-
 bant. Postremo Ludovicus Hassiæ Land-
 gravius censabat, Electoratus transla-
 tionem Collegii Electoralis iudicio esse
 relinquendam, pacemque per Bohe-
 micæ reformationis abolitionem, nec-
 non Pragensium Ecclesiarum, ac liber-
 tatis conscientiz restitutionem esse pro-
 curan-

curandam: Præterea Brandeburgici Electoris legatus adversus illa verba in proscriptionis relatione addita: *absolute & illimitate*, reclamabat, asserens, ea Cæsareæ Capitulationi esse contraria.

Sæc. XVII.
A. C. 1623.

§. LXXII.

Ultima Cæsaris sententia circa hæc negotia.

Perceptis Principum sententiis Ferdinandus, priusquam suum desuper decretum ederet, Moguntinum & Trevirensem Electores tanquam rei controversæ arbitros seorsim in consilium vocabat. Hi ergo Cæsari, quod Palatino partem suarum ditionum gratiose restituere velit, grates rependebant, supplices, ut saltem ejusdem Nepotes in Electorali dignitate restituenda & Palatino jure non privarentur, cum absdubio huic consilio pariter Bavarix Dux consensurus esset: Huic moderationi Principes Catholici, cum Pontificem quinque armatorum millia pro repellendis hostium conatibus obtulisse intelligerent, absque cunctatione subscripsere, reclamantibus itidem A catholicis Principibus: Cæsar autem perpendens, quod Catholici tam proscriptionem quam translationem Imperii

Carafa l. c.
Lond. pag.
1080.